



Hapšenjem u Sarajevu nastavljena akcija Damask

RATOVAO U SIRIJI I IRAKU

Po nalogu tužitelja iz Odsjeka za terorizam Tužiteljstva BiH, službenici **SIPA** jučer su u nastavku akcije Damask uhapsili A. I. (1987) iz Sarajeva, te pretresli stan na području sarajevske općine Novi Grad i vozilo koje koristi.

Tužiteljstvo BiH i policijske i sigurnosne agencije su operativnim radom utvrdili da je ovaj osumnjičeni iz BiH otišao u aprilu 2014, nakon čega je boravio na ratištima Sirije i Iraka, gdje je bio u sastavu paravojnih struktura koje je Vijeće sigurnosti UN-a proglasilo terorističkom organizacijom. Prikupljeni su i dokazi da je osumnjičeni bio uključen i u ilegalno transportovanje državljana BiH na teritoriju Sirije.

Pod istragom zbog organiziranja terorističke grupe



Dvadesetosmogodišnjak saslušan u SIPA

- Od osumnjičenog će biti oduzeti svi materijali i dokazi koji se dovode u vezu sa navedenim kaznenim djelom, saopćeno je iz Tužiteljstva BiH.

Navedeni osumnjičeni je pod istragom zbog krivičnog djela organiziranja terorističke grupe.

Konkretno, on se sumnja da je u periodu od 2012. do 2014. godine u više navrata boravio u Siriji i Iraku te učestvovao u oružanim sukobima boreći se na strani radikalnih terorističkih grupa i organizacija.

- Osoba lišena slobode privedena je u službene prostorije, gdje se kriminalistički obrađuje, nakon čega će, uz izvještaj o počinjenom krivičnom djelu, biti predata Tužiteljstvu BiH na dalje postupanje, naveli su iz SIPA.